



Inatsisartuni ilaasortaq Sofia Geisler  
Inuit Ataqaigiit

### Apeqqummut nr. 353-2019-imut akissut

Asasara Sofia Geisler

Inatsisartut Suleriaasianni § 37, imm. 1 naapertorlugu Naalakkersuisunut apeqquqteqarputit. Apeqqutitit uannut akineqartussanngortillugit innersuunneqarput.

### Naalakkersuisunut apeqqutit:

- 1. Hashpsykoseqarlutik Dronning Ingridep Napparsimavissuani tarnikkut nappaateqartut immikkoortortaarfianut unitsinneqartariaqarsimasut ukiuni 2019-mi maannakkumut, 2018-imi, 2017-imi, 2016-imi 2015-milu qassiusimappat?**

Takussutissiami ataaniittumi takuneqarsinnaavoq tarnikkut nappaateqartut immikkoortortaarfianut A1-imi uninnganerup nalaani napparsimasup journalianut nappaatip suussusianik nalunaarsorneqarnerit *F12.5 (tarnikkut perulunneq cannabisimik atornerluinerup kingunerisaanik)* allanneqarsimasut amerlassusaat.

*Tabel 1. F12.5-imik nappaatip suussusianik nalunaarsorneqarlutik (tarnikkut perulunneq cannabisimik atornerluinerup kingunerisaanik) unitsinneqartut 2015-2019. Takussutissami ilanngunneqarput napparsimasut ataasiaannaratik uninngasimasut.*

Ukioq	Unitsitsinerit amerlassusaat	Ullut innangaffiit	Napparsimasut amerlassusaat	Agguaqatigiissillugu uninng.
2019 (<1. dec.)	14	308	10	22
2018	8	269	8	34
2017	17	322	16	19
2016	6	276	6	46
2015	8	248	7	31
Katillugit	53	1.484	47	28

Tulluartausinnaavoq unitsitsinerit tamaasa isigissallugit, taakkunani nappaatip suussusii intervalimi F12.0-imit F12.9-mut atorneqarsimasut. Eqimattani taakkunani pineqarput

*Cannabisimik atornerluinerup kingunerisaanik tarnikkut nappaatit pissusilersuutsikkullu akornutit, t.i. napparsimasut eqimattat amerlanerusut.*

*Tabel 2: Napparsimasut nappaatip suussusaa eqimattani "Cannabisimik atornerluinerup kingunerisaanik tarnikkut nappaatit pissusilersuutsikkullu akornutit" atorreqarsimasooq.*

Ukioq	Unitsitsinerit amerlassusaat	Ullut innangaffiit	Napparsimasut amerlassusaat	Agguaqatigiissillugu uninng.
2019(<1. dec.)	96	1966	62	20
2018	78	2640	56	34
2017	72	1778	61	25
2016	58	1762	43	30
2015	50	1632	29	33
Katillugit	354	9778	251	27

Unitsitsinerit taakku hashimik atuineq pillugu ataatsimut katillugit unitsitsinerni pissutaaqataasimasutut nappaatillu suussusianik kinguneqarsimasumik ataatsimut takussutissiipput. Tarnikkut perulunnerit pissutiviusut Tabel 1-imi naatsorsorneqartut naatsorsuinermi ilaapput.

**2. Hashpsykoseqarlutik Dronning Ingridep Napparsimavissuani tarnikkut nappaateqartut immikkoortortaarfianut ukiuni 2019-mi maannakkumut, 2018-imi, 2017-imi, 2016-imi 2015-milu unitsinneqartariaqarsimasut ukiumikkut qanoq agguataarsimappat?**

Napparsimasut unitsinneqarnerminni ukiumikkut agguataarnerat takussutissiami uani ersersinneqarpoq:

**Napparsimasut uninnerminni ukiumikkut agguataarneqarnerat**

*Tabel 3: Nappaatip suussusaanik "Tarnikkut perulunneq cannabisimik atornerluinerup kingunerisaanik" nahunaarsorneqartut napparsimasut unitsitaanermi nalaani ukiui.*

UKIUT	2015	2016	2017	2018	2019
15-20	4	3	5	1	7
21-30	3	2	8	6	6
31-40	0	1	2	1	1
41-50	1	0	0	0	0
51-62	0	0	2	0	0
<b>Tamarmik</b>	<b>8</b>	<b>6</b>	<b>17</b>	<b>8</b>	<b>14</b>

**3. Hashpsykoseqarlutik Dronning Ingridep Napparsimavissuani tarnikkut nappaateqartut immikkoortortaarfianut ukiuni 2019-mi maannakkumut,**

**2018-imi, 2017-imi, 2016-imi 2015-milu unitsinneqartariaqarsimasut agguaqatigiissillugu qanoq sivisutigisumik uninngasarsimappat?**

Apeqqu 1-imut akissut innersuutigineqarpoq

**4. Hashpsykoseqarlutik Dronning Ingridep Napparsimavissuani tarnikkut nappaateqartut immikkoortortaarfianut ukiuni 2019-mi maannakkumut, 2018-imi, 2017-imi, 2016-imi 2015-milu unitsinneqartariaqarsimasut aggerfimmikkut suminngaaneerpat?**

Tarnimikkut nappaateqartut immikkoortortaarfia napparsimasunik nunarput tamakkerlugu illoqarfinniit nunaqarfiniillu tigusaqartarpoq. Taamaattumik napparsimasut hashpsykoseqartut imaluunniit cannabisimik atonerluisut Nunarput tamakkerlugu illoqarfinneersut nunaqarfinneersullu tarnimikkut nappaateqartunik sullissivimmi takuneqartarput. Unitsitsinermi qitiusumik napparsimmaveqarfiit toqqammavigalugit napparsimasut suminngaanneerteri takussutissiamit ataaniittumit ersersinneqarpoq.

**Napparsimasut unitsitaanermi najukkamikkut agguataarneqarnerat**

*Tabel 4: Nappaatip suussusaanik "Tarnikkut perulunneq cannabisimik atonerluinerup kingunerisaanik" nalunaarsorneqartut napparsimasut unitsitaanermi nalaani najugaqarfii.*

Qitiusumik napparsimmaveqarfinn ut agguataarlugit napparsimasut najugaqarfii	Uninngas ut 2015-imi	Uninngas ut 2016-imi	Uninngas ut 2017-imi	Uninngas ut 2018-imi	Uninngas ut 2019-imi
Avannaa	1	0	2	1	1
Disko	1	0	0	0	2
Kujataa	1	0	0	0	3
Qeqqa	2	2	3	0	3
Sermersooq	3	3	9	7	5
Allat/ilisimaneqanngilaq	0	1	3	0	0
Katillugit	8	6	17	8	14

**5. Hashpsykoseqarlutik Dronning Ingridep Napparsimavissuani tarnikkut nappaateqartut immikkoortortaarfianut ukiuni 2019-mi maannakkumut, 2018-imi, 2017-imi, 2016-imi 2015-milu unitsinneqartariaqarsimasut uninngajunnaaraangamik qanoq inissisimagajuppat, tassani**

## **eqqarsaatigalugu angerlarsimaffimminnut allatulluunniit inissinneqarsimasinnaanerat?**

Napparsimasut amerlanertigut nalorninartorujussuarmik inissisimaffeqarsinnaasarput angerlarsimaffeqannginneq, suliffissaaleqineq, ilinniagaqannginneq akiitsoqarnerlu il.il. pissutigalugit. Inuusuttut angajoqqaaminni aanakkuminniluunniit najugaqakkajuttarput aamma unitsitaanissaq sioqqullugu angerlarsimaffianni sakkortuumik aaqqiagiinngittoqarsimasarpoq. Amerlasuutigut ilaqutariit inuusuttup angerlaqqinnissaa kissaatigisanngilaat. Taamaattumik napparsimasut angerlarsimaffeqanngitsutut inuulernissaat angerlarsimaffeqanngitsunullu inissitassanngorlugit kommunimiit innersuunneqarnissaat annertuumik aarlerinaateqartarpoq. Angerlartitsinermi inuusuttunut inersimasunullu attaveqaatinik ataatsimiititsisoqartarpoq kommunimi sagsbehandleri peqatigalugu, taannalu napparsimasoq peqatigalugu ingerlariaqqinnissaaq pillugu iliussissanik pilersaarusiortarpoq. Cannabisimik atuisorpassuit/atornerluisorpassuit atuinertik pissutigalugu sorusussuseeruttarput tullianilu pujortarnissartik taamaallaat nukissaqarfialugulu eqqarsaatigisarlugu.

- 6. Naalakkersuisut ilisimatitsissutigisinnaavaat hash-imik atornerluineq pissutigalugu psykoseqalersimasut Dronning Ingridep Napparsimavissuani tarnimikkut nappaateqartut immikkoortorta qarfianni katsorsarniarnerannut aningaasat qassit atornerqartarnersut apeqqutini siuliini ukiuni taaneqartuni?**

Aningaasartuutinik naatsorsuutit, hashimik atornerluineq pissutigalugu napparsimasut tarnimikkullu perululerlutik katsorsartittut kisiisa pillugit kisitsisinik imallit, amigaatigineqarput.

- 7. Naalakkersuisut isumaqarpat pissutsit ilorraap tungaanut ingerlasut?**

Naamik.

- a. Naamiuppat, suliniutit suut Naalakkersuisunit allaartinneqarsimappat Dronning Ingridep napparsimavissuani tarnimikkut nappaateqartut immikkoortorta qarfianni atukkanut pitsaanerulersitsinissamik siunertaqartut?**

Tarnimikkut nappaateqartunut immikkoortorta qarfirmik nunatsinnilu tarnimikkut napparsimasunut neqeroorutinik pitsanngorsaanissaq sulissutiguarneqarpoq, aamma hashimik atuneq pissutigalugu tarnimikkut napparsimalersimasunut.

Tarnimikkut nappaateqartunut immikkoortorta qarfirmi nutaamik illuliuunneqarnissaa pillugu maannakkut suliaqartoqarpoq. 2015-imi aqutsisoqatigiit pilersinneqarput, tamatumani siunertarineqarluni tarnimikkut nappaateqartunut immikkoortorta qarfiup nutaamik illuliuunneqarnissaa meeqqanut inuusuttunullu pitsaanerusunik avatangiiseqartumik, peqqissarnissamat atortulimmik kiisalu tamatigoortunik

nakkutigisanillu immikkoortortalinnik. Suliniut naammassingajalerpoq. 2020-p aallartinnerani neqerooruteqartitsisoqassaaq ilimagineqarporlu illutaassaq 2022-mi atorneqarsinnaalissasoq.

Suliniutinit allanit eqqaaneqarsinnaavoq Naalakkersuisut nuna tamakkerlugu suliniuteqarnerat ”Hashi akiorniarlugu nuna tamakkerlugu iliuusissatut pilersaarut ” 2016-imeersoq<sup>1</sup>.

Inussiarnersumik inuulluaqqusillunga  
Med venlig hilsen

Martha Abelsen  
Peqqissutsimut, Isumaginninnermut Inatsisinillu Atuutsitsinnermut Naalakkersuisoq

---

1

[https://naalakkersuisut.gl/~media/Nanoq/Files/Publications/Departement%20for%20Sundhed%20og%20Infrastruktur/Sundhed/National\\_indsatsplan\\_mod\\_hash/Forslag%20til%20national%20indsatsplan%20mod%20hash\\_DK.pdf](https://naalakkersuisut.gl/~media/Nanoq/Files/Publications/Departement%20for%20Sundhed%20og%20Infrastruktur/Sundhed/National_indsatsplan_mod_hash/Forslag%20til%20national%20indsatsplan%20mod%20hash_DK.pdf)